

PAGTULON-AN 11 — BUKID NGA MILANDONG SA DALAN
SA SAAD (Exodo 15-32)

KATUYO-AN: Sa pagpakita alang kang kinsa ug sa unsang katu-
yo-an ngano nga ang kasugoan gihatag.

Nakakita na ba ikaw ug bukid? Kon tan-awon sa halayo dili
ba gamay lang kaayo? Apan kon imo nga duolon mahimo nga
daku kaayo nga dili na ikaw makalatas niana.

Karon samtang sundon nato ang panaw sa mga Israelitas diha
sa DALAN SA SAAD makaabut kita diha sa Bukid sa Sinai. Imo
nga mahibaloan nga ang mao nga bukid makahahadlok kaayo tu-
ngod kay miaso ug mikurog sa dihang ang Dios nagpakigsulti ngad-
to kang Moises. Ug milabay una ang taas nga panahon una pa ang
nasud Israel nakalabang sa landong niining mao nga bukid.

Ang mga Israelitas nagasubay na sa DALAN SA SAAD pa-
ingon ngadto sa YUTA SA SAAD. Kinahanglan nga pagasulayan
sa Dios ang Iyang mga katawhan kon takus o andam na ba gayud
sila sa pagdawat ug pagdumala sa mao nga yuta. Iya usab nga gi-
paila ngadto kanila nga kinahanglan magasalig sila Kaniya sa
tibuok nila nga panaw.

Human sa paglabang sa mga Israelitas sa Dagat nga Mapula,
miadto sila sa kamingawan sa Shur. Dinhi ang mga pagsulay
nagasugod sa pagpangabut ngadto kanila.

a. Unang pagsulay — ang mapait nga tubig sa Marah, Exodo
15:23-25. Ang mga Israelitas nangapakyas sa diha nga sila nanag-
bagolbol, apan ang Dios nagpabilin nga matinumon. Ang kahoy
nagsimbolo kang Cristo nga maoy naghimo gikan sa mapait ngad-
to sa matam-is. Si Cristo namatay sa krus nga kahoy aron sa pag-
kuha sa kapait sa sala pinaagi sa paghalad sa Iyang kaugalingon.

b. Ikaduhang pagsulay — gutom, Exodo 16:3-32. Ang mga
katawhan nangapakyas pag-usab. Ang Dios nagpakita pa gihapon
sa Iyang pagkamatinumon pinaagi sa paghatag kanila sa mga
buntog ug Mana. Ang Mana nagsimbolo kang Cristo kay Siya mao
ang tinapay sa kinabuhi, Juan 6.

c. Ikatulong pagsulay — kauhaw didto sa Repidim, Exodo
17:2-7. Ang mga katawhan nangapakyas pag-usab apan ang Dios
naghatag kanila ug tubig gikan sa bato. Ang mao nga bato nag-
simbolo kang Cristo ug ang tubig sa Espiritu Santo, Juan 4:14.
Ang Espiritu Santo gihatag pinaagi sa kamatayon ni Cristo.

d. Ang mga Israelitas miabut sa Bukid sa Sinai ug naghimo ug mga tolda ubos sa bukid. Ang panahon miabut diin sila pagasulayon sa labing malisud nga pagsulay, Exodo 20:20. Pagasulayon sa Dios ang gugma ug pagtoo sa mga Israelitas pinaagi sa pagsugot sa mga balaod nga Iyang igahatag kanila, Exodo 19:5,6.

1. Si Moises miadto sa ibabaw sa bukid ug ang Dios nakigsulti kaniya, Exodo 19.

2. Ang kasugoan gidugang ngadto sa mga SAAD, hunahunaa ang tanang mga balaod nga pagahinumduman sa Israel. Galacia 3:19-25.

3. Unsa man ang gibuhat sa mga katawhan samtang si Moises didto pa sa bukid? Ila nga gisupak ug wala nila matuman ang nahiuna nga sugo. Sa Exodo 32 nagpahibalo kanato sa nating vaca nga bulawan, ang kasuko ni Jehovah, ang pangamuyo ni Moises ug ang pagbuak sa papan nga bato, samtang ang tolo ka libo (3000) ka mga Israelitas gipanghukman.

Ang mga Israelitas nakabaru ba sa maong pagsulay? Wala, bisan pa gani sa unang adlaw human ang kasugoan gihatag. Apan dili kadto mao ang katapusan sa pagsulay, kay ang Dios naghatag ug daghan pa nga mga katuigan diin sila nailalum sa kasugoan apan wala gayud sila makatuman sa kasugoan bisan ila kini nga gibalikbalik pagpaninguha sa pagtuman. Gidugang sa Dios ang kasugoan sa mga Saad tungod sa pagkamakasala sa Israel hangtud nga moabut ang gisaad nga kaliwat apan ang mao nga kaliwat sa dihang miabut na Siya. Atong susihon kon ngano nga ang kasugoan gihatag ug unsa man ang gipamatud-an niini.

a. Ang kasugoan gidugang gumikan sa mga kalapasan, Galacia 3:19. Ang Israel nagpakasala sa tanang panahon apan wala magpakabana sa kadautan sa sala.

b. Ang kasugoan nagpamatuod nga sila mga makasala, sama sa mga Gentil, ug walay katarungan nga magpasigarbo sila (tungod kanila ang tanan nga mga baba masap-ongan) Roma 3:19,20.

c. Ang kasugoan nagpamatuod nga ang pagkabalaan sa Dios nagkinahanglan ug hingpit nga pagkamatarung, Exodo 20:3.

Busa ang bugtong lamang nga paglaum sa Israel diha lamang sa pagkamatarung sa gisaad nga kaliwat, Galacia 3:24.

Alang kang kinsa ang kasugoan gihatag? Gihatag lamang ngadto sa nasud Israel nga nailalum sa Dispensasyon sa Kasugoan ug ang mao nga Dispensasyon sa Kasugoan natapus diha sa krus

sa kalbaryo. Ang kasugoan ba gihatag kanato nga nagapuyo ilalum sa Dispensasyon sa Grasya? Wala, apan kita makapupo ug pagtulon-an sama sa mga prinsipio nga gipakita kanila sa Dios ug kanato usab.

Kita mga mahuyang ug makasasala dinhi sa atong kaugalingon. Ang Dios nagkinahanglan sa hingpit nga pagkamatarung; ug ato lamang kana nga makaplagan pinaagi sa pagdawat sa Ginoong Jesus-Cristo nga atong bugtong nga manluluwas. Ang pagpaningkamot aron pagtuman sa kasugoan dili makaluwas kang bisan kinsa, apan ang pagsalig diha sa hingpit nga buhat ni Cristo makaluwas sa tagsa-tagsa nga moduol ug motoo Kaniya. SAG-ULOHON: "Nan, ngano pa man ang kasugoan? Kini sa kaulahiay gidugang gumikan sa mga kalapasan, hangtud moabut ang kaliwat kang kinsa gihimo ang saad; ug kini gipasiugdahan sa mga manulonda pinaagi sa usa ka tigpataliwala" Galacia 3:19.

PAGTULON-AN 11 — PAGATUBAGON

Samtang ang mga Israelitas mingpanaw gikan sa Egipto gisulayan sila sa Dios aron pagpamatuod kanila kon sila magalakaw ba diha sa Iyang dalan ug kon andam ba sila sa pag-adto ug pagpanag-iy sa yuta sa Canaan. Susiha ang mga bersikulo sa ubos ug isulat ang sumpay nga mga pulong sa ubos aron pagpakita unsang klase ang pagsulay ug giunsa sa Dios sa paghatag sa ilang gikinahanglan.

1. Exodo 15:23-25. Didto sa Marah ang tubig _____ ug ang Dios nagsugo ni Moises sa pagtambog ug _____ ngadtc sa tubig ug mahimo nga _____.

2. Exodo 16:3-5. Sa kamingawan sa Sin ang mga katawhan nag-hunahuna nga sila mamatay sa _____ apan ang Dios nag-ingon nga magapaulan ug _____ gikan sa _____.

3. Didto sa Repidim gibati sila ug hilabihang _____ tungod kay walay _____ aron makainom ang katawhan (Exodo 17:1-6).

4. Aduna lamay usa ka tawo nga maqy makatagbaw sa atong espirituhanong kagutom ug kauhaw. Susiha ang mga bersikulo diha sa ubos ug isulat ang Iyang ngalan. Juan 6:35 ug Juan 4:14.

5. Dim man ang mga Israelitas sa dihang gihatag ang labing malisud nga pagsulay? Exodo 19:1,2 _____ 6-7-8. Ang mga bersikulo sa ubos nagtudlo kanato ngano nga

ang kasugoan gihatag. Susiha ang mao nga bersikulo ug isumpay ang husto nga pulong diha sa mga blanko.

(1) Galacia 3:19. Ang kasugoan gidugang gumikan sa _____

(2) Roma 3:19. Ang kasugoan gihatag aron ang matag-usa ka _____ masap-ongan.

(3) Roma 3:19. Ang kasugoan gihatag aron ang tibuok kalibutan _____.

9. Pagdibuho ug usa ka hulagway sa pagpakita kon unsa ang gisimba sa mga Israelitas sa pagsupak nila sa nahiunang sugo sa kasugoan. Exodo 32:4.

10. Isulat sa SINAG-ULO ang Galacia 3:19.
